

Sarajevo, 26.02.2009. godine
Broj: 94/09

ZAPISNIK I ZAKLJUČCI
SA SJEDNICE PREDSJEDNIŠTVA
SAVEZA OPĆINA I GRADOVA F BiH

U Mostaru je dana **26.02.2009.** godine održana Trinaesta sjednica Predsjedništva Saveza općina i gradova Federacije Bosne i Hercegovine (u daljem tekstu: Savez).

Sjednici Predsjedništva Saveza prisustvovalo je 10 članova, i to:

1. **G-din Ljubo Bešlić**, Gradonačelnik, Grad Mostara,
2. **G-din Hasan Ajkunić**, načelnik, Općina Bugojno,
3. **G-din Amer Čenanović**, načelnik, Općina Ilidža,
4. **G-din Rasim Omerović**, načelnik, Općina Kalesija,
5. **G-din Emir Bubalo**, načelnik, Općina Konjic,
6. **G-din Petar Polić**, načelnik, Općina Posušje,
7. **G-din Hakija Osmić**, načelnik, Općina Zavidovići,
8. **G-din Ivan Vukadin**, načelnik Općina Tomislavgrad,
9. **G-din Vlado Alilović**, načelnik Općina Vitez, i
10. **Gđa Dragana Solaković**, Grad Sarajevo (po ovlaštenju Gradonačelnika)

Pored gore navedenih, sjednici su prisustvovali i: g-din **Predrag Šupljeglav**, načelnik odjela za organizaciju, pravne poslove i opću upravu, Grad Mostar, g-din **Fadil Imiširović**, načelnik Općine Gradačac, gđa **Amela Zahirović**, sekretar, Općina Novi Grad – Sarajevo, gđa **Vesna Travljanin**, sekretar Saveza, gđa **Zlata Turkić**, viši suradnik za rad sa komisijama i institucijama vlasti, g-din **Amir Kupusija**, suradnik za odnose s javnošću, g-din **Edin Demirović**, stručni saradnik za lokalnu samoupravu, gđa **Selma Fišek**, pripravnica i g-đica **Šejla Hasić**, viši saradnik za projekte.

G-din Šupljeglav otvara sjednicu Predsjedništva. Pozdravlja prisutne i izvinjava se u ime Gradonačelnika koji je na neodložnom sastanku sa delegacijom iz Makedonije. G-din Šupljeglav konstatuje da je sjednici prisutan dovoljan broj članova Predsjedništva za rad, te stavlja Dnevni red na glasanje.

Dnevni red je jednoglasno usvojen.

I

1. Zapisnik i zaključci sa Dvanaeste sjednice Predsjedništva Skupštine Saveza općina i gradova Federacije BiH

Zapisnik je jednoglasno usvojen.

II Utvrđivanje prijedloga dokumenata za sjednicu Skupštine Saveza:

2. Odluka o izmjenama i dopunama Statuta Saveza općina i gradova Federacije BiH

G-din Šupljeglav podsjeća prisutne da je na prošloj sjednici Predsjedništva usvojen zaključak da se Statut pošalje općinama na javnu raspravu, kako bi se mogao usvojiti konačan tekst Prijedloga Statuta Saveza za Skupštinu.

Gđa Zahirović konstatuje da je Odbor za pripremu materijala za Skupštinu Saveza, koji čine pet pravnikâ iz općina, prikupio i pregledao sve primjedbe, prispjele u zadatom roku od 30 dana, koliko je trajala javna rasprava, te da je Odbor iste proslijedio Komisiji za ustavna i zakonodavna pitanja na daljnje razmatranje.

G-din Šupljeglav pobliže objašnjava predložene promjene u Statutu, te stavlja Nacrt Statuta na dalje komentarisanje.

G-din Omerović smatra da je Zaključak sa posljednje sjednice Predsjedništva da se član 24. Statuta ne može mijenjati, te da se prema tome prijedlog Komisije za ustavna i zakonodavna pitanja koji se odnosi na izmjenu stava 7. u članu 24. Statuta koji glasi: „Predsjednik Predsjedništva može biti iz reda istog konstitutivnog naroda najviše dva uzastopna mandata“, ne usvaja.

G-din Šupljeglav naglašava da su inicijative pristigle iz općina. Predsjedništvo može da usvoji ili odbije iste, a članice, koje su predložile izmjene, mogu i amandmânski djelovati za vrijeme Skupštine.

G-din Bubalo postavlja pitanje oko imenovanja članova u tijela i organe Saveza, te kako su imenovani članovi iz općina koje nisu dostavile svoje prijedloge.

G-din Ajkunić pozdravlja prisutne te se nadovezuje na pitanje g-dina Bubala. Naime, mandat sadašnjeg Predsjedništva je dvije godine, a trebao je biti četiri. Kako je došlo do greške, neke općine nisu održale svoje sastanke, te smatra da bi se rok trebao produžiti i pružiti šansa općinama da se sastanu i to u roku od deset dana. Smatra da je bolje prolongirati Skupštinu. Također predlaže da se na Statut djeluje amandmânski tokom Skupštine ako za to postoje inicijative.

Jednoglasno je zaključeno da se Statut u sadašnjem Nacrtu proslijedi kao Prijedlog Statuta za usvajanje na Skupštinu Saveza te se ostavlja mogućnost općinama da ukoliko su zainteresirane djeluju amandmânski na samoj Skupštini.

3. Poslovník o radu Skupštine Saveza općina i gradova Federacije BiH

G-din Šupljeglav konstatuje da na Nacrt poslovníka o radu Skupštine Saveza općina i gradova F BiH nisu stigle primjedbe i komentari tokom javne rasprave, te da se isti u sadašnjem Nacrtu stavlja na glasanje.

Jednoglasno je zaključeno da se Prijedlog poslovníka o radu Skupštine uputi Skupštini na usvajanje.

4. Odluka o izmjenama i dopunama Odluke o nadležnostima, načinu rada i sastavu skupštinskih komisija Saveza

Gđa Turkić izvještava članove Predsjedništva da je Komisija za ustavna i zakonodavna pitanja predložila da se prošire nazivi pojedinih Komisija kako bi se pokrile sve nadležnosti, te da se radi važnosti rada Komisije za izbor i imenovanja ista i zadrži kao stalna Komisija Saveza.

Jednoglasno je zaključeno da se Nacrt odluke o izmjenama i dopunama Odluke o nadležnostima, načinu rada i sastavu skupštinskih komisija Saveza uputi kao Prijedlog na

usvajanje Skupštini sa predloženim izmjenama od strane Komisije za ustavna i zakonodavna pitanja Saveza općina i gradova Federacije Bosne i Hercegovine.

5. Izvještaj o radu Predsjedništva Skupštine Saveza općina i gradova Federacije Bosne i Hercegovine za period mart 2007. – februar 2009. godine

G-din Bubalo konstatuje da se u narednom mandatu planira implementacija Zakona o principima lokalne samouprave F BiH jer to nije urađeno u ovom mandatu.

Izvještaj o radu Predsjedništva Skupštine Saveza općina i gradova Federacije Bosne i Hercegovine za period mart 2007. – februar 2009. godine je jednoglasno usvojen.

6. Izvještaj o radu komisija Skupštine Saveza općina i gradova Federacije Bosne i Hercegovine za period mart 2007. – mart 2009. godine

Gđa Turkić naglašava da će još ubaciti i izvještaj sa Komisije za izbor i imenovanja jer su materijali prosljeđeni prije zadnje sjednice pomenute komisije.

Izvještaj o radu komisija Skupštine Saveza općina i gradova Federacije Bosne i Hercegovine za period mart 2007. – mart 2009. godine je jednoglasno usvojen.

7. Programska orijentacija Saveza

Programska orijentacija Saveza je jednoglasno usvojena.

8. Izvještaj o materijalno-finansijskom poslovanju Saveza općina i gradova Federacije Bosne i Hercegovine za period 01.01.2008. – 31.12.2008. godine sa stavom Nadzornog odbora

8.a) Nacrt budžeta Saveza općina i gradova Federacije Bosne i Hercegovine za 2009. godinu

Gđa Travljanin izvještava Predsjedništvo o materijalno-finansijskom poslovanju Saveza, te prilaže stav Nadzornog odbora. Također, g-đa Travljanin objašnjava Nacrt budžeta za 2009. godinu, te stavlja oba dokumenta na raspravu.

G-din Čenanović predlaže da se oba dokumenta usvoje s tim da se u Prijedlog budžeta ubaci i Budžet iz predhodne godine radi komparacije.

Izvještaj o materijalno-finansijskom poslovanju Saveza općina i gradova Federacije Bosne i Hercegovine za period 01.01.2008. – 31.12.2008. godine sa stavom Nadzornog odbora i Nacrt budžeta Saveza općina i gradova Federacije Bosne i Hercegovine za 2009. godinu su jednoglasno usvojeni sa spomenutim prijedlogom.

Razrješenja:

9. Odluka o razrješenju predsjedavajućeg Skupštine i zamjenika predsjedavajućeg Skupštine Saveza općina i gradova Federacije Bosne i Hercegovine
10. Odluka o razrješenju predsjednika, zamjenika predsjednika i članova Predsjedništva Skupštine Saveza općina i gradova Federacije Bosne i Hercegovine
11. Odluka o razrješenju predsjednika i članova Nadzornog odbora Saveza općina i gradova Federacije Bosne i Hercegovine
12. Odluka o razrješenju osoba ovlaštenih za zastupanje i predstavljanje Saveza općina i gradova Federacije Bosne i Hercegovine

13. Odluka o razrješenju predsjednika, zamjenika predsjednika i članova Komisije za razvoj i unapređenje lokalne samouprave
14. Odluka o razrješenju predsjednika, zamjenika predsjednika i članova Komisije za ustavna i zakonodavna pitanja
15. Odluka o razrješenju predsjednika, zamjenika predsjednika i članova Komisije za prostorno uređenje, stambeno-komunalne djelatnosti i zaštitu životnog okoliša
16. Odluka o razrješenju predsjednika, zamjenika predsjednika i članova Komisije za međunarodne veze i saradnju
17. Odluka o razrješenju predsjednika, zamjenika predsjednika i članova Komisije za ekonomski razvoj općina i gradova
18. Odluka o razrješenju članova Komisije za izbor i imenovanja

Jednoglasno je zaključeno da se svi navedeni Prijedlozi odluka razrješenjima upute Skupštini na usvajanje.

Imenovanja:

19. Odluka o izboru predsjedavajućeg Skupštine i zamjenika predsjedavajućeg Skupštine Saveza općina i gradova Federacije Bosne i Hercegovine
20. Odluka o izboru predsjednika, zamjenika predsjednika i članova Predsjedništva Skupštine Saveza općina i gradova Federacije Bosne i Hercegovine
21. Odluka o izboru predsjednika i članova Nadzornog odbora Saveza općina i gradova Federacije Bosne i Hercegovine
22. Odluka o imenovanju osoba ovlaštenih za zastupanje i predstavljanje Saveza općina i gradova Federacije Bosne i Hercegovine
23. Odluka o obrazovanju Komisije za razvoj i unapređenje lokalne samouprave
24. Odluka o obrazovanju Komisije za ustavna i zakonodavna pitanja
25. Odluka o obrazovanju Komisije za prostorno uređenje, stambeno-komunalne djelatnosti i zaštitu životnog okoliša
26. Odluka o obrazovanju Komisije za međunarodne veze i saradnju
27. Odluka o obrazovanju Komisije za ekonomski razvoj općina i gradova

Gđa Travljanin izvještava o radu Komisije za izbor i imenovanja po ovlaštenju predsjednika Komisije Nusreta Helića koji je bio spriječen da prisustvuje sjednici Predsjedništva. U ove Nacrte odluka, kako se ranije i razgovaralo treba se još dodati i Odluka o obrazovanju Komisije za izbor i imenovanja. Kako je to već odlučeno proširuje se mogućnost predlaganja svih članova svih tijela i organa do 16-og marta, 2009. godine. Nakon prijedloga Predsjedništvo će se očitovati na date Nacrte odluka.

G-din Ajkunić smatra da se otvori mogućnost ponovnog očitovanja onih općina koje su već dostavile svoje prijedloge.

G-din Omerović smatra da prijedlog za Predsjedavajućeg Skupštine, kojim se predlaže Dževad Bećirević nije uredu, s obzirom na to da Sarajevski kanton već dovoljno učestvuje u radu Predsjedništva.

G-din Čenanović je protiv potvrđivanja prijedloga onih općina koje su već održale sastanke i poslale svoje prijedloge. Dalje, naglašava da je pravo svih općina da predlože svoje kandidate, te da su općine u kantonu Sarajevo predložile načelnika Centra, Dževada Bećirevića kao kandidata.

G-din Vukadin smatra da bi samo one općine koje se nisu sastale trebale dostaviti svoje prijedloge.

Sa jednim glasom protiv (Amer Čenanović) i jednim suzdržanim (Petar Polić) usvojen je slijedeći zaključak: produžava se rok za predlaganje kandidata do 16.03.2009. godine, a u slučaju

da se isti ne dostave, Komisija za izbor i imenovanja će predložiti kandidate za općine iz kantona koji se nisu izjasnili.

III

1. Prijedlog Odluke o izmjenama i dopunama Pravilnika o radnim odnosima i plaćama zaposlenika Stručne službe Saveza općina i gradova Federacije Bosne i Hercegovine

Gđa Travljanin objašnjava da se ustanovilo da sadašnji Pravilnik o radnim odnosima i plaćama zaposlenika Stručne službe Saveza općina i gradova Federacije Bosne i Hercegovine ne reguliše prava i obaveze uposlenica kod korištenja trudničkog i porodiljskog bolovanja. Prijedlog Odluke o izmjenama i dopunama Pravilnika prati zakonske osnove i reguliše ovaj nedostatak.

Prijedlog Odluke o izmjenama i dopunama Pravilnika o radnim odnosima i plaćama zaposlenika Stručne službe Saveza općina i gradova Federacije Bosne i Hercegovine je jednoglasno usvojen.

IV Informacije:

1. Zakon o šumama

Gđa Travljanin izvještava Predsjedništvo o aktivnostima po pitanju Zakona o šumama i prijedlogu Ustavnog suda da se uključi i Savez kako bi se u ovom postupku predstavljao što veći broj općina. G-din Ismet Velić je advokat koji će zastupati Savez i interes općina u ovom postupku. Također, donesen je i zaključak da se Savez aktivno uključi u parlamentarnu Komisiju koja se bavi ovim Zakonom.

G-din Omerović naglašava da je vlada dobila rok od 90 dana da uradi novi Nacrt zakona o šumama i da ga stavi u parlamentarnu proceduru. U martu, ovaj rok ističe, te se treba aktivno uključiti. Savez treba da se amandmanski očituje na ovaj Nacrt zakona.

Jednoglasno je zaključeno da se Savez posveti svim predloženim aktivnostima i postupku pred Ustavnim sudom.

2. Zakon o budžetima/proračunima u Federaciji Bosne i Hercegovine

Gđa Turkić izvještava o Izmjeni Zakona o budžetima/proračunima u Federaciji Bosne i Hercegovine («Službene novine Federacije BiH», broj: 19/06, 76/08), u dijelu koji se odnosi na uvođenje trezorskog poslovanja u općine/gradove, te ističe da će se rok za uvođenje trezorskog poslovanja u općine/gradove, na prijedlog Saveza vjerovatno prolongirati do 20.05.2011. godine. U aprilu ove godine, Savez će u saradnji sa GAP-om organizovati radionice o trezorskom poslovanju. Ove radionice će biti za pomoćnike načelnika za finansije i upravu. Jedina općina koja je već prešla na trezorsko poslovanje je općina Novi Grad – Sarajevo, te se g-din Emir Dedović iz općine Novi Grad ponudio da pomogne u implementaciji radionica, te da skrene pažnju na konkretne primjere iz svoje općine.

Informacija je jednoglasno usvojena.

3. Aktivnosti vezane za projekat «Ustavna reforma – diskusije u lokalnim zajednicama»

G-din Kupusija izvještava da Savez u saradnji sa SDC-om (Švicarska razvojna agencija) organizuje javne rasprave o Ustavnim reformama. Kao što je poznato Ustav ne tretira pojam lokalne samouprave. Do sada je održana jedna javna rasprava u Bihaću, a predviđeno je još sedam debata.

Informacija je jednoglasno usvojena.

4. Aktivnosti vezane za projekat «Beacon Schema»

G-din Kupusija izvještava Predsjedništvo o nastavku aktivnosti Beacon Scheme. Naglašava da je Federalno ministarstvo pravde zaduženo za finansiranje nastavka projekta, te da Savez nije u mogućnosti da sam finansira aktivnosti.

G-din Bešlić konstatuje da se Savez treba uključiti u ove aktivnosti.

Informacija je jednoglasno usvojena.

5. Aktivnosti vezane za projekat «Seminar za općinske načelnike/gradonačelnike i predsjedavajuće općinskih/gradskih vijeća»

G-din Demirović izvještava Predsjedništvo o predstojećim seminarima i samom cilju seminara za načelnike i predsjedavajuće općinskih vijeća koji ubrzo treba da se realizuju u sklopu implementacije projekta koji Savez radi sa KS-om (Asocijacija lokalnih i regionalnih vlasti Kraljevine Norveške)

Informacija je jednoglasno usvojena.

6. Održavanje Izborne skupštine Saveza općina i gradova Federacije Bosne i Hercegovine. Predsjedništvo je jednoglasno odlučilo da se Izborna skupština Saveza općina i gradova Federacije Bosne i Hercegovine održi u Neumu, 16. i 17. aprila, 2009. godine.

V Tekuća pitanja

1. Gđa Solaković izvještava da USAID i SIDA rade na dva projekta (FIMA i FEMA) koji će se fokusirati na drvnu industriju i turizam, te bi bilo dobro da se ovi projekti implementiraju kroz Savez. Bilo bi dobro da se uspostavi kontakt sa nadležnim osobama u ovim projektima.

Prijedlog je jednoglasno usvojen.

2. Gđa Zahirović izvještava Predsjedništvo o problemu sa kojim se trenutno suočavaju općina Novi Grad i Centar. Naime, Uprava za indirektno oporezivanje je zaključila da navedene općine moraju platiti PDV od prihoda na zakup javnih površina. Također, ovaj njihov zaključak je da se isplata vrši i retroaktivno. Stav općine Novi Grad i Centar je da je ovaj stav pogrešan, te se moli Savez da se aktivno uključi u rješavanje ovog problema kako bi se zaštitile i ostale općine.

G-din Bešlić se slaže da se Savez uključi aktivnije u ovaj problem, te da se uputi cirkularno pismo članicama da bi se ispitalo stanje u svim općinama po ovom pitanju. Naime, Savez se mora obratiti Upravi za indirektno oporezivanje tj. Izvršnom odboru za hitno rješavanje ovog problema.

Prijedlog je jednoglasno usvojen.

Nakon konstatovanja da su sve tačke Dnevnog reda iscrpljene, sjednica je zaključena u 15:15 sati.

Predsjednik Predsjedništva
Ljubo Bešlić, s.r.

Zapisničar
Šejla Hasić, s.r.